

scribi franchum mutando sibi nomen, ut est dictum. Et propterea supplicet cum rectores recusent ipsum angelum audire asserentes non posse se impedire de gestis per suos precessores, quod sibi subueniatur ut possit recuperare uillanum ipsum, si sibi spectat; uadit pars consideratis omnibus que dicta sunt quod scribatur duche et consiliarijs Crete et suis successoribus quod non obstante scriptura uel dato facto tempore ser Phylippi Aurio duche predicti, possint audire dictum Angelum Suriano super facto predicto dicti rustici, qui se fecit franchum et facere quod sit justum.

11

F^o 106^{io} Ἐδόθη πίστωσης εἰς τοὺς τότε δοῦκα καὶ συμβούλους Κρήτης διὰ τὴν ἐπισκευὴν στέγης τινός. Ἡ πίστωσης ἐξηντήθη διὰ τὴν ἀγορὰν ξυλείας, ἐπομένως δὲν εἶναι δυνατὸν νὰ ἐκτελεσθῇ τὸ ἔργον, ἢ δὲ βραδύτης θὰ ἀπαιτήσῃ μεγαλυτέρας δαπάνας. Ὅθεν αὐξάνεται ἡ πίστωσης πρὸς ἀποπεράτωσιν τοῦ ἔργου δι' ὑπερπύρων τετρακοσίων. 1362, Αὐγούστου 2.

12

Ἐπιστολὴ πρὸς τὸν ἀρχιεπίσκοπον Πατρῶν περὶ τοῦ ζητήματος τοῦ γάμου τῆς Φλωρεντίας Σανούδου μετὰ τοῦ ἀδελφοῦ του. Ἐπισυνάπτονται: 1^{ον} Ἐπιστολὴ πρὸς τὸν βάρηλον Εὐβοίας. 2^{ον} Ἐπιστολὴ πρὸς τὸν δοῦκα καὶ συμβούλους Κρήτης. 3^{ον} Ἐτέρα ἐπιστολὴ πρὸς τὸν δοῦκα καὶ συμβούλους Κρήτης. 4^{ον} Ἐπιστολὴ πρὸς τὴν δέσποιναν Φλωρεντίαν Σανούδου. 5^{ον} Ἐπιστολὴ πρὸς τὸν Γουλιέλματιον Σανούδου. 1362, Δεκεμβρίου 27.

F^o 122^{io}

Millesimo trecentesimo LXII, die XXVII Decembris.

1

Capta. Quod scribatur Archiepiscopo patracensi in hac forma.

Intellectis litteris et nuncio paternitatis uestre super tractatu matrimonij, quem dicitis esse habitum inter dominam Florentiam Sanuto et fratrem uestrum; rescribimus quod de hijs que scripsistis multipliciter admiramur, nam ipsa domina uiuente patre, et pater eius ac mater pluries nobis scripserunt quod ipsa domina, tamquam ciuis et deuota nostra, nullo modo procederit umquam ad matrimonium cum aliquo, secundum conscientia et uoluntate nostra et nisi cum persona dominio nostro grata. Et quia de scriptis per uos nullam umquam conscientiam nobis fecit, impossibile extimamus quod ipsa nobis inscijs contra promissionem suam ad aliud processisset, ut tamen intentionem nostram apertius scire possitis, declaramus uobis quod progenitores ipsi fuerunt de antiqua et nobili progenie Venetorum et insulas Egeopelagi, cum fauore nostri dominij sunt adepti. Ideo nullatenus pateremur ea que tanto nostrorum sanguine et periculis acquisita et conseruata fuerunt ad extraneum quemquam transferri, tum pro utilitate ipsius domine tum pro salute propria status nostri. Ex quo honestius et consultius quoslibet acturos putamus si facta ipsa nobis quorum interest, dirigenda promiserint, nec rei ad se non pertinenti commisceant cum firmi propositi



20 nostri sit, sicut superius dictum est, quod nec ipsa domina nec loca eius ad quen-
quam extraneum perueniant ullo modo.

Capta. Quod scribatur baiulo et consiliarijs Nigropontis in hac forma. De
hijs que fecistis circa impediendos tractatus matrimonij, qui habebantur cum
domina Florentia, uestram prouidentiam commendamus notificantes uobis quod
super Archiepiscopus Patracensis nobis scripsit contractum fuisse matrimonium
25 per uerba de presenti inter eam et fratrem suum, sicut dicit apparere publicis
instrumentis. Rogans quod gratum et acceptum haberemus matrimonium ante-
dictum, cui respondimus sicut in incluso uidebitis, uolentes et mandantes quate-
nus prouidere debeatis quod fortilie, que super insula, nomine dicte domine et
filij sui tenebantur, sint in manibus personarum et confidentium, et de quibus
30 pro statu nostro non habemus aliquam dubitare. Et quando aliter fieri non
posset, ipsas faciatis nomine nostri dominij custodiri saluis juribus eorum quibus
spectant, facientes eis assignari omnes prouentus et redditus earum expensis
solum modo necessarijs pro custodia et conseruatione earum detractis. Damus
insuper uobis intelligi ad informacionem uestram quod de locis et fortilijs Egeo-
35 pelagi commissimus factum duche et consiliarijs Crete, qui cicius et uellocius
poterunt, adimplere predicta. Et nichilominus sumus contenti et placet nobis
si uideretis posse operari quicquam boni per modum commissum duche et con-
siliarijs Crete ut nostra intentio ducatur ad effectum, quod faciatis et procuretis.
Et pro pterea uobismittimus hic inclusam copiam littere, quam eis missimus super
40 hijs rescribendo nobis continue quicquid feceritis. Alij—de non o—non sinceri 2.

F^o 123^r Die 27 Decembris.

Quod scribatur duche et consiliarijs Crete pro locis Egeopelagi in hac forma,
uidelicet. De hijs que fecistis in mittendo ambaxatorem uestrum ad ducam Egeo-
pelagi ante obitum suum ad procurandum nostrum honorem et alijs modis, quos
50 tenuistis circa hoc, uestram prouidentiam commendamus, notificantes uobis quod
super Archiepiscopus Patracensis nobis scripsit fuisse contractum matrimonium
per uerba de presenti inter dominam Florentiam quondam filiam dicti duche et
fratrem suum sicut apparere dicit publicis instrumentis; rogans quod gratum et
acceptum haberemus matrimonium antedictum. Cui respondimus sicut in incluso
55 uidebitis mandantes uobis quatenus quam cicius esse potest prouideatis omnibus
modis et uijs, quibus uobis melius uidebitur, quod aliquae ex principalioribus
fortilitijs insularum dicte domine sicut sunt Nichosia, Andre, S. Herini et Mel-
lum et si qua alia uobis uiderentur pro statu nostro et nomine nostri dominij
custodiantur, saluis juribus eorum quibus spectant per personas bene confidentes,

pro statu nostro, fatientes eis assignari redditus et prouentus earum, detractis 60
 solum expensis necessarijs pro custodia et conseruatione locorum. Et hoc facto
 dicatis domine, de qua non dubitamus uos haberi fecisse et facere curialem et
 bonam custodiam quod id quod fecimus et facimus est tam pro utilitate eius, que
 est ciuis nostra, quam pro securitate status nostri, ne loca sua nostris fauoribus
 et periculis acquisita ad manus extraneorum perueniant, que ipsa possent in eius 65
 damnum et nostrum preiudicium occupare, et quod ipsa scit, quod pater, mater
 et ipsa nobis scripserunt se umquam matrimonium contracturum nisi cum per-
 sona nobis grata. Et quia de nullo extraneo confideremus, hortamur quod ipsa
 elligat aliquem nobilem uel de Venecijs uel de Candida quorum multi sunt uir-
 tutibus et nobilitate potentes, qui ipsam et loca sua honorabiliter poterunt con- 70
 seruare, dicentes ei expresse quod ipsam uel loca sua, cuiquam extero tradi
 nullatenus pateremur. Et si contenta fuerit et Venetum ut est dictum asumpserit
 omnia loca sua sibi resignari integraliter faciemus, et ultra hoc dicatis quod
 ipsam et augmentum suum ac locorum suorum habebimus semper, specialiter et
 fauorabiliter commendata, et quicquid de predictis omnibus feceritis et sequetur 75
 nobis uestris litteris intimetis.

Capta. Quod pro custodia et conseruatione locorum Egeopelagi ut non
 ueniant ad malas manus, scribatur Duche et consiliarijs Crete quod recepimus
 alias plures litteras suas de bonis prouisionibus factis per eos tam in mittendo
 ambaxatorem ad ducham Egeopelagi, ante obitum suum, quam aliter, quibus 80
 intellectis sicut sciunt, rescripsimus et replicauius eis libertatem alias datam
 super hoc. Et licet simus certi quod sunt atenti et uigiles in omnibus que spe-
 ctent honori et bono nostro, tamen quia nuper recepimus litteras ab Archiepis-
 copo Patracensi continentes qualiter matrimonium uideretur esse tractatum inter
 filiam dicti quondam duche et quemdam fratrem ipsius Archiepiscopi per uerba 85
 de presenti, determinauimus eis uelle notam facere responsionem, quam fecimus
 dicto Archiepiscopo super dicto facto, que responsio eis mittatur ad suam infor-
 macionem et mandare quatenus uisis presentibus omni mora postposita mittere
 debeant per illum modum qui uidebitur meliori eis qui sunt informati ad plenum
 de factis istis ad dominum Guielmatium Sanuto, ciuem et nobilem nostrum, uel 90
 ad eius filium, uel alios eorum nomine existentes in Nichosia et alijs partibus
 Egeopelagi ad fatiendum eis notum, quod intellecto per nos de obitu domini
 duche et subsequenter de matrimonio predicto, maximam turbationem recepimus
 in mente nostra. Et propterea intendentes quod loca illa acquisita recuperata et
 conseruata cum tanto sanguine labore et fauore nostrorum antiquorum custo- 95
 dianur et saluentur, ita quod ad manus extraneorum non ueniant, disposuimus

mittere ad eum, tamquam ad earum et honorabilem ciuem nostrum, de quo plene
confidimus ad mandandum imponendum et ortandum quantum possumus quod
dicta loca debeat saluare, custodire et guarentare et deffendere contra omnem
100 personam et nullum extraneum de mundo recipere uel recipi facere in eis, de
quo possit in aliquo dubitari, donec aliud ordinabimur superinde, saluis semper
juribus omnium personarum saluando uel saluari fatiendo omnes redditus et pro-
uentus dictorum locorum, factis omnibus expensis necessarijs et opportunis in
custodiendo et saluando loca predicta, donec uidebitur quibus de jure debeant
105 assignari. Et si dominus Guielmatius, uel filius, uel alij loco eorum egerent sub-
sidio pro custodia et conseruatione dictorum locorum, tunc ducha et consiliarij
prouideant fatiant et ordinent ita et taliter, quod loca remaneant et sint bene
secura et specialiter loca principalia per illum modum, qui eis melius uideatur,
et continue scribant nobis quicquid sequetur et fecerint in factis premissis.

110 De non o—non sinceri 2.

Capta. Quod scribatur domine Florentie Sanuto in hac forma. Intelleximus
nuper cum graui displicentia et habuimus per litteras Archiepiscopi Patracensis,
qualiter inter uos et quemdam fratrem ipsius Archiepiscopi uidetur esse tracta-
tum matrimonium per uerba de presenti, sicut idem Archiepiscopus plene asserit
115 constare publicis instrumentis, de quo maximam admirationem et turbationem
in mentibus nostris asumpsimus, nec talia de uobis ullo modo credere potera-
mus, consideratis hijs que continue uobis scripsimus et attentis uestris bonis res-
ponsionibus superinde. Quare uolentes uobis notam esse nostram intentionem
finalem denotamus uobis iterum per presentes quod talia nec similia matrimonia
120 numquam consentiemus fieri cum tanta diminutione nostri honoris et status,
propter loca illa Egeopelagi recuperata acquisita et custodita cum tanto san-
guine, labore et fauore antiquorum nostrorum. Set uos que estis sapiens et bene
debetis cegnoscere statum uestrum et filij uestri, disponatis de uobis ita et taliter
quod ex inde remaneamus contenti et quod ista scandala et turbationes, quas con-
125 tinue recipimus occasione predicta, remoueantur in totum et per consequens
habeamus uos caram, sicut est intentio nostra et non detur nobis materia que-
rendi alia cum diminutione nostri honoris et status.

Capta. Quod scribatur Nobili uiro Guielmatio Sanuto ciui nostro in hac
forma. Intelleximus nuper de obitu duche Egeopelagi, cui pareat Deus et subse-
130 quenter de quodam matrimonio, quod uidetur esse tractatum per uerba de pre-
senti inter filiam quondam dicti duche et quemdam fratrem dicti Archiepiscopi
patracensis, sicut per eius litteras nobis missas super dicto matrimonio plenis-

sime continetur. Quare reminiscentes laborum sanguinis et fauorum nostrorum antiquorum in recuperando, manutenendo et custodiendo loca Egeopelagi et dubitantes ut plurimum quod ad manus extraneorum non ueniant ullo modo, 135
disposuimus mittere ad uos, uelut ad caros et honorabiles ciues nostros, de quibus gerimus plenam fidem, commissimus duche et consiliarijs Crete et etiam nostris Baiulo et consiliarijs Nigropontis quod ad conseruationem dictorum locorum et bonam custodiam dent uobis consilium auxilium et fauorem opportunum sicut per eorum nuntios uobis fiet mentio specialis, quibus nuntijs et specialiter 140
nuntio duche et consiliarijs Crete latori presentium in omnibus que parte nostra dicent circa facta predicta debeatis tamquam nobis fidem credulam adhibere, obseruantes et mandantes executioni omnia que dicent, sicut de uobis plene confidimus et speramus. 144

13

Επιστολή πρὸς τινὰ ἄρχοντα δι' ἧς παρακαλεῖται οὗτος νὰ μὴ ἀναμινύεται εἰς τὸ ζήτημα τοῦ γάμου τῆς Φλωρεντίας Σανούδου.

*Ὁμοία ἐπιστολή πρὸς τὸν αὐτοκράτορα καὶ πρίγκιπα Ἀχαΐας καὶ Τάραντος. 1363, Ἀπριλίου 5.

F^o142^{to} Millesimo trecentesimo LXIII, die quinto Aprilis.

Scripsit nobis Excellentia uestra, quod de impedimento prestito per nos seu baiulum nostrum Nigropontis domine Florencie ducisse Egeopelagi quominus exequi posset matrimonium cum nobili uiro Raynerio de Azaiolis mirabamur cum ipsa esset uassalla et ligia uestra requirentem ut ipsam in hoc turbare 5
minime deberemus. Super quo uobis rescribimus quod presupposito quod ipsa domina esset uestra uassala prius tamen quam uassala uestra fuerit ipsa fuit ciuis nostra et ratione originis nobis naturali jure subdita et commissa, nam progenitores sui ab antiquo fuerunt de nobilibus stirpibus terre nostre et cum fauore ac auxilio nostro acquisiuerunt et tenuerunt loca et insulas Egeopelagi, quas 10
ipsa domina possidet in presenti pro quibus insulis deffendendis et conseruandis communitas nostra persepe cum multa sanguinis effusione grauibusque periculis laborauit et continue in treuguis, quas cum imperio constanter hactenus habuimus et presencialiter nunc habemus ipsa loca sub nostra protectione specialiter nominamus, quod nisi actum esset et fieret diu est quod ipsa loca in potestate 15
sua non forent, propter quod si de ipsa ducissa ut predicatur ciue nostra et locis suis nostro fauore quesitus et tantis nostris laboribus conseruatis, curam gerimus et sicut honori nostro conuenit prouidemus iuste agimus, nec habet quisquam ullam admirationis materiam superinde, ymo salua reuerencia uestra equius nobis et conueniencius uidetur quod uos de re uobis utique impertinentius immiscere 20

* Τὸ ὄνομα παραλείπεται εἰς τὸ κείμενον.